

# Königlicher auch zu Hung- ern vnd Böhem etc. K. M. A.

Geordnete / vnd gebesserte / Zinbergk-  
wercks Ordnung / der Bergkstedt  
Schlackenwalden /  
Schönfelden /  
Lauterpach /  
Sampt derselben zugehö-  
renden gepirgen. .



*Cum gratia et Privilegio.*

Das Königlich vnd freye weitberühmte Bergk

geburt Jesu Christi vnseres Beligmakers / M. D. XLVIII.



werck zu Eschlackenwalden / sampt andern zugehörten

Zimbergkwercken etc. Im Jar / Nach der



XVI. F. 13950

**Wir** Ferdinand von  
 Gottes genaden / Römischer  
 König / zu aller zeit / Merer des Reichs / Inn  
 Germanien / zu Ungern vnd Behem 2c. Dal-  
 macien / Croacien 2c. König / Infant inn Hispanien / Ertzhertzog  
 zu Osterreich / Hertzog zu Burgundien / zu Lützenburg / vnd inn  
 Schlesien / Marggraff zu Merhern vñ Lausitz / Graff zu Tirol 2c.  
 Thun hiermit kundt meniglich / Nachdem sich aus den gnaden  
 Gottes / etzliche Zinbergkwerck auff vnsern Königlichem gründen /  
 zu Schlackenwalden / Schönfeldt am Lauterbach / vñ andern der  
 selben orten ereugen / vnd sich daselbst ein vnd auslendische Ge-  
 wercken / zu bawen eingelassen / Demnach haben Wir Uns / auff  
 berurte Zinbergkwerge / nachvolgender Bergkordnung genedigist  
 entschlossen / darnach sich nu in künfftiger zeit / Vnsere Gewercken  
 werden haben zurichten / Doch / ob Wir nach zufelliger gelegen-  
 heyt / zu des Bergkwercks vnd der Gewercken nutz / mit gutem  
 rath etwas darinnen bessern / oder verandern würden / dasselbige  
 thun wir Uns vorbehalten / Vnd beuehlen demnach Vnsern  
 itzigen / vnd künfftigen Bergkmeistern / vnd Bergk-  
 richtern / auff berurten Bergkwercken / das  
 sie sich also / nach solcher Vnsrer Orde-  
 nung / gegen den Gewercken  
 vnd sonst meniglich /  
 halten / Darinn  
 vorbringen  
 sie vn-  
 sern genedigen  
 willen vnd meynung.



# Der Erste Artickel.

Von empfabung der Lehen/ vnd welcher gestalt dieselbigen widerumb inn vnser freyes fallen.

**I**n itzlicher der ein Lehen auff Zinbergwerck / bey vnsern Bergkmeister auff nimpt / der sol solch Lehen in dreyen Tagen/ die nechsten / nach dem es ihm vorliehen ist/ nach altem herkomen belegen / Wo er aber solchs in bemelter zeit nicht belegen/ noch fristig von vnserm Bergkmeister / darzu wie Bergkwercks Recht/ erlanget/ So sol solch Lehen widerumb in vnser freyes gefallen sein.

Vnd wo solch Lehen inn ernanter zeit beleet/ vnd doch nicht nach Bergkleyffziger weis vormessen were/ Sondern drey ansahende schichten ledig/ vnd vnbarhafftig erfunden würde/ Solch Lehen sol auch inn vnser freyes widerumb gefallen sein / Vnd einem ieden der es also vnbarhafftig befindet vnd muthen wirdet / durch vnsern Bergkmeister frey vorliehen/ vñ darbey gehandhabet werde/ Vnd do auch ein Lehen auff Zinberg/ nach altem herkomen vormessen wirdt / so hat er sechs wochen / vnd nicht lenger freyung / wo es aber vber sechs wochen vnbarhafftig erfunden / vñnd des kein fristung vom Bergkmeister/ mit redlichen vrsachen haben würde / Dasselbig Lehen/ ist alsdann auch widerumb/ in vnser freyes gefallen/ Es sol auch der Bergkrichter / an vnserm Bergkmeisters wissen/ niemands fristung zugeben/ macht haben.

# Der Ander Artickel.

Das der Bergkmeister zu Schlackenwalden/ alwege ein abschrift der Lehenzettel / dem Bergkrichter gen Schönfelt vberschicken sol.

**N**achdem der Bergkrichter zu Schönfelt / welcher dem Bergkwerck zu Schlackenwalden umals anhengig ist/ etwan Mühlen/ Perg vnd Seiffen auff Zinberg vorliehen/ So wollen wir/ das/ dasselbig so wie berurt/ durch den Bergkrichter zu Schönfelt verliehen worden ist/ krefftig sein sol/ vnd bleiben/ Welcher aber furtan vnser freyes begert/ auff Perg/ Mühlen/ oder seiffen/ der sol solchs allewege bey vnserm Bergkmeister zu Schlackenwalden muthen / Vnd wie die muthung lautet / also sol der Bergk-

Bergkmeister solcher zettel ein abschriff / bey dem mither / laut des selbigen buchstabens / vnter seinem Ptsichter / vnserm Bergkrichter zu Schönfelt zuschicken / der sol solche muthung in Lehen geben / Vñ sol laut der Berckordnung / weiter bestetiget vñ gehalten werden.

## Der Dritte Artickel.

### Vom vormessen vnd vom anhalten der vierungen.

**S**o der Bergkmeister vormessen thut / sollen ime die Gewercken von einem itzlichen wehr i. w. gr. geben / Dergleichen solle sie auch dem Bergkrichter von Schönfelt / von einem itzlichen wehr / i. w. gr. geben / Den Geschwornen itzlichem von einer volständigen masse ij. w. gr. Vñ von den Lochsteinen zusetzen / auch den Geschwornen vi. w. gr. zugeben vorpflcht sein.

Do aber ein Zwittergang entplöst / vñ der Berckmeister darauff vormessen wil / so sol er / wie auff den gengē breüchlich / die massen geben / Vñ so die gewercken / jnen die vierung auch zugeben begeren / Alsdan sol der Bergkmeister / an beyden salbanden / anhalten / die vierung als vierdhalb lachter in das hangent / vñ vierdhalb lachter in das liegendt geben.

## Der Vierdte Artickel.

### Von bestellung der Zechen / mit Steigern Schichtmeistern oder Factorn.

**E**s sol ein iede Gewerckschafft / auff einer itzlichen zechen / einen Geschwornen verordenten Steiger setzē / mit dem vnser Bergkmeister vñ Geschwornen zuschaffen vnd zugebieten macht habē / Vñ ob gleich ein gesamlete gewerckschafft were / die bissher ire zeche mit einander gebauet hetten / vñ keinen steiger gehabt / So sol len doch dieselbigen gewercken nu fort an / einen vnter jnen / zu einem steiger kiesen vñ setzē / mit dem der Bergkmeister vnd die Geschwornen der notturfft nach zugebieten / vñ zuschaffen haben / Vnd sollen alle Steiger / Schichtmeister / Vorsteher vnd Factorn / zu ihren amptern vñ dinsten / vnserm berckmeister / in beywesen der geschwornen / Eyd vnd pflicht thun / das sie vns / vnd iren gewercken / nach irem besten vleys / alwege getreulich fürstehen wollen.

## Der Fünffte Artickel.

### Von an vnd ausfahren / vnd von feuer anstossen.

Es sollen die Vorsteher oder Steiger / sampt iren arbeitern / mit vleys auf das an vñ anleutē auffmercken / Vnd welcher freiger mit seine arbeitern vber dz anleuten verzüge / vñ nit anfarnt / derselbig steiger vnd arbeiter / sollen durch vnsern bergkmeister gestrafft werden.

*An bildm  
An in die  
also iij  
für wj  
alle  
no*

Vnd so die Arbeiter ihre schicht zu vier vrn nach mittage / vor  
farn haben / als dan mag man in einer itzlichen Zechen / do es fest  
vnd not ist / mit fewer setzen / vnd nicht für der schicht / doch sol kei-  
ner sein fewer anstossen / er habe es dan / in alle Schecht zunorn an-  
gesagt / vnd ein zeichen gegeben / Welcher Steiger oder Arbeiter vor  
itzt gemelter zeit / sein fewer anstossen würde / vñ das nicht ansagen /  
So offft das geschiecht / sollen dieselbigen so es thun / inn alle wege  
vier schock zu straff gelt verfallen sein. Welcher auch dem ander mit  
den anfeuern / an seinen gezimmern ( wie offft geschehen ist / das sie  
einander ire oder seine pfel ausfeuern ) schaden thun / vñ sich solchs  
nach der Geschwornen besichtigung befinden würde / der / oder die-  
selbigen / sollen auch vier schock zu peen on nachlass / zugeben ver-  
fallen sein.

## Der Sechste Artickel.

Von des Bergkmeisters vñ Geschwor-  
nen einfahren vnd zusehen.

**U**nsere Bergkmeister vnd Geschworne / sollen so offft es die not-  
durfft erfordert / vñ zum wenigsten die wochen ein mal / durch  
alle Schecht vñ Zechen durchaus befahren / die Bergkfesten  
vnd alle örter allenthalben mit vreis befahrn / besichtigen / vnd an-  
weisung thuen / damit der Bergk nicht zuschaden ausgehawen  
werde / Wo aber iemand vber des Bergkmeisters / oder der Ge-  
schwornen verbot / zuschaden arbeiten würde / der sol vom Bergk-  
meister / vmb vier schock / on nachlassung gestrafft werden.

## Der Siebende Artickel.

Von Bergkfesten.:

**I**n Geschwornen sollen inn einem jeden Schacht /  
der do sündig ist / die Bergkfesten besichtigen / Vnd  
wo sie erkennen / das ein Schacht oder Zech der an-  
dern zunahent / oder zu schaden hawet / dardurch sie  
kein Bergkfesten zwischen ihnen auff der Marck schei-  
de stehen wolten lassen / stuffen schlagen / Vnd den  
Gewercken oder ihren Steigern / solche stuffen oder Bergkfesten  
anzeigen / vnd bey vier schocken sie nicht auszuhawen verbieten /  
Welchs teil aber die stuffen / oder Bergkfesten / vber der Geschwor-  
nen verbot / seinen eygnen nutz nach / vnd dem Bergk zuschaden  
aushawen würde / der sol die vier schock zugeben verfallen sein /  
Vñ darzu

Vñ darzu nach der Geschwornen erkentnus weiter gestrafft werden/  
Vnd darnach die Bergfest die er ausgehawen hat/ nach der Ge-  
schwornen beuehl vnd erkentnus / nach aller notturfft selbst aus-  
zimmern/ vñ zunorwaren schuldig sein/ wo es aber in ernter zeit /  
auch nicht ausgezimmert würde / so offt ihme das die Geschwor-  
nen gebieten/ sol er vns inn vnser straff gefallen sein.

## Der Achte Artickel.

Vom verdingen / vnd wie sich die Steiger  
vnd Arbeiter mit den Bedingen  
verhalten sollen. .



**E** sol hinfuran / kein Kostzwitter mehr zubawen  
verdingt werden/ an der Geschwornen / oder vnser  
Bergkmeisters wissen vnd willen / Sondern die Ge-  
schwornen sollen sampt den Gewercken oder ihren  
Steigern mit einfahren/ den stein oder mühlberg zu-  
uorn behawen / Vnd als dann nach billigkeit den  
Arbeitern verdingen/ vnd sol den Geschwornen zwen weis groschen  
zu stuffengelt gegeben werden/ Vnd so die Geschwornen also in der  
wochen einfahren/ sollen sie die geding vnd arbeit / so offt sie einfarē/  
besichtigen / Vnd wo sie ob den gedingen oder arbeit befinden/ das  
den Gewercken zuschaden gehawen vnd gearbeit würde / dasselbig  
abzuschaffen/ damit den Gewercken vñ des Berges nutz allenthal-  
ben gefördert werde.

Kein Steyger sol einichen gesellen neidtshalben von einem ge-  
dinge daran er gelt erkiegen möcht ablegen/ er befündt dan bey sei-  
nen pflichten/ an dem selbigen Arbeiter / oder an seiner arbeit gebre-  
chen / oder das man die örter weiter nicht treyben wolt / So sollen  
doch die Gewercken/ in diesen fall / dem Dixer heraus geben was  
Bergkmeister vnd Geschworne erkennen.

Ferner was die Steiger so die Beding inn den Zechen allein ha-  
ben/ belangent / sol man einem ieden auff sein person/ wochentlich  
nicht mehr/ dan einen gülden raichen / Was aber die Bedinghewer  
er belangent / sol man einem iedem die woche funffzehen weis  
groschen zu lohn raichen/ Würde aber ein Bedinghewer/ den Ge-  
wercken etwas an seinem geding hinterstellig/ vnd schuldig bleiben/  
so sol er solche schuldt / an alle mittel/ den Gewercken zuentrichten  
vorpfflicht sein.

Denen Steigern aber/ so kein Beding haben/ sol man wochen-  
lich einen gülden vnd nicht mehr zu lohn raichen/ Es sol auch der-  
selbigen Fainer/ kein heimlich geding mit irgent einen Dixer haben.  
würde

Würde auch ein Steyger der da geding / oder einer / der kein geding hett / einen geding oder Lohn Dewer / von dem ort nemen / welchs dann an sonderliche noth / nicht geschehen / Vnnd soniel möglich / vormieden sol werden / im zuzimmern / oder zu ander fördernus zu helfen / Vñ die Steiger rechenen ihme dieselbigen ledigen Schichten / dergleichen das wochenlohn / auch verfohl / dieselbigen sollen mit schwerer straff / gestrafft werden / Vnd sollen hierinnen die Steyger / den Bedinghewern nicht mehr schichten / denn sie auff dem ort gearbeit / rechnen / Vnd die ledigen schichten sollen sie / den Gewercken inn die gemeyn Ausgab oder vnkost setzen / so fern anders den Gewercken dieselbigen ledigen schichten zu gut gebraucht werden.

Do auch ein Arbeiter wandern wil / dem ein Gewerck etwas zu thun schuldig were / demselbigen sol zu seinem wochenlohn / durch Vnsern Bergkmeister / bey Sonnen schein / geholffen werden.

Wo aber er ihme Bedinggeldt / oder andere Schuldt hinterstellig were / sol dem Arbeiter inn vierzehen tagen / darzu geholffen werden.

## Der Neundte Artickel.

Von der Arbeiter Lohn / inn vnd auff der Hube / vnd von ihren beuehl.:



Inem Dewer inn der Hube / sol man wochentlich nicht mehr / dann Funffzehen weiss groschen / er arbeit gleich auff einem ort / im tieffsten / oder in brüchen / zu lohn geraicht werden.

Dergleichen sol man auch / einem Arbeiter / so am Zwitterhaspel zeucht / wochentlich nicht mehr dan Funffzehen weiss groschen / zu lohn geben / von sechs schichten.

Einem Dewer der eine ledige Schicht fehret / sol nicht mehr / dann Funff Klein groschen / Vnd einem Jungen Drey Klein groschen / Einem aber / der am Zwitterhaspel zeucht / Funff Klein groschen / von einer ledigen Schicht zu lohn gegeben werden.

Vnd

Vnd wann ein Feiertag inn der wochen ist / vnnnd ein Derrer  
oder Arbeiter / es sey im Perg oder für der Mühlen / würde eine oder  
mehr schichten darzu feyern / Als dann sol ihm der Feiertag / mit  
samt den schichten / auffgehoben werden.

Die Auslauffer inn Geupeln / sollen den Derrern das holtz inn  
die Thonnen setzen / Dergleichen die Anschlagter widerumb he-  
rans werffen / Darvon sol man ihnen nichts zugeben schuldig sein.

Die Geupeltreiber / sollen bey schwerer straff schuldig sein /  
auff die Auslauffer achtung zuhaben / vnd ihnen die Zwitterhau-  
ffen / mit vleis für hin weisen / damit den Gewercken zu ieder zeit /  
das ihre / recht müg gestürtzt werden.

Es sollen auch alle Steyger der Dube vnd Lanterbachs / alle  
Derrer / es sein Beding oder Lehenberrer / vnd darneben alle ande-  
re Arbeiter wochentlichen einen itzlichen / mit seinen Namen sonder  
lichen / vnd wie viel er zu lohn hat / schreiben lassen.

## Der Zehendt Artickel.

### Dem Furlon vnd Furlenten / Druben vnd Laden.

**D**er Bergkmeister sampt seinen Geschwornen / sollen  
gewöhnliche vnd leidliche lohn / wie viel man einem  
Furman von einem Kost / für iede Mühlen / zu lohn  
geben sol / setzen vnnnd machen / Welcher Furman  
oder Gewerck / darüber das furlon steygern würde /  
der selbig sol vier schock zur buss / verfallen sein.

Vnd nachdem etzliche Furlent biss anher / viel zu kurtze vnnnd  
enge Truben gefurt / dauon man ihnen gleich soniel / als von dem  
grossen Truben zufüren geben hat müssen / welchs dann den Ge-  
wercken auff dem Berge / vnd für den Mühlen / Dergleichen den  
Gewercken an den Bedingen / ein abbruch ist / So beuehlen wir  
derhalben / dz vnser Bergkmeister ein eich vñ mass / wie lang / hoch  
vnd wie weit / die Zwitter Truben sein sollen / machen lasse / Das-  
selbig mass sol mit Eisen beschlagen werden / vnd bey dem Bergk-  
meister inne liegen / Dergleichen sol auch eins auff dem Perg vorfer-  
tigt werden / welcher eich oder mass / ein ieder Furman / der sich  
des Perges mit fuhr gebrauchen wil / halten sol.

**B** Würde

Würde aber darüber ein Truben / grösser oder kleiner / dann  
das mass ausweist / betreten / die sollen durch vnsern Bergkmei-  
ster vnd Geschwornen zurhauen / Vnd der Furman so dieselbige  
vnrecht Truben gefurt / vmb vier schock darzu gestrafft werden /  
Es sollen sich vnser Bergkmeister vnd Geschwornen im vordingen  
der Kostzwitter / nach obberurter Truben vnd mass / richten.

Ein jede Gewerckschafft / so Zwitter vom Berg füren lest /  
mag ihr eygen laden halten vnd haben / nach ihrem besten / des  
sich kein Furman wegern / oder beschweren sol / Vnnd do auch  
iemand befunden würde / der fürsätzlich mehr / oder höher inn die  
Truben laden / dann darinnen bleiben möcht / den Bedinghewern  
zu abbrech / der sol vmb vier schock / durch vnsern Bergkmeister  
gestrafft werden.



## Der Eilffte Artickel.

### Vom Lachter vnd Schachtholtz.

**I**n dem Lachterholtz / sol diese Ordnung gehalten  
werden / das niemandt kein Lachterholtz auff der  
Dub kauff noch annehm / es werde zunorn einge-  
schlagen / nach dem mass / wie auff der Duben ein-  
gesetzt / vnd verordnet ist / Vnd sol auch ein rechte vñ  
gleichmessige mass / zu dem Lachterholtz / auff der  
Duben gesetzt werden / Nemlich sol dasselbige Lachterholtz /  
zwischen dem schrot auff der schwarzen / vier schüch lang sein /

Auch sollen die Holtzhawer / mit dem schlichten des holtz /  
Keynen vorteil brauchē / vñ sollen die recht höhe vnd weit schlichtē /  
welch lachter aber dermassen nicht gehawen / oder geschlicht wer-  
den / die sol der heger / oder der ienig so darzu verordnet / bey seinen  
Lydts pflichten nicht abnehmen / bissolang dieselbigen Lachter /  
erfüllet / vnd rechtschaffen gemacht / vnd eingeschlagen werden.

Würde sich aber vber solchen vnsern befehl / ein Holtzhawer /  
mit vngeschickten worten / gegen den Gewercken / oder die das  
holtz hawen lassen / oder kauffen / einlassen / vnnd vngbürlich  
halten / die sollen von vnsern Amptleuten gestrafft werden.

Es sol

Es sol auch alles Schacht oder Zimmerholtz / welchs dem Berg zu gut gefürt wirdt / durch die Geschwornen des Bergs / seinem werdt nach / das es den Furlenten / vnd Gewercken zuerleyden / vnd damit der Bergk auch nicht beschwerdt / Taxirt vnnd geschätzt werden.

Die Rölter auff Vnsern gründen / sollen furt an / Keyne Rolen anderswohin / dann zu Vnserrn Berckwergen / verkauffen / Es sol auch ein geeichter Kübel / inn einer ieden Schmelzhütten / nach erkentnus vnd bedencken Vnsers Bergkmeisters / vnnd der Geschwornen / welche den Röltern / vnd den Gewercken leidlich eingesetzt / vnd verordent werden.

## Der Zwelffte Artickel.

Wie es für den Mühlen / mit den Mühlsteigern vnd Mühlarbeitern / gehalten sol werden.:

**E**stlichen / sol ein itzlicher Mühlsteiger / mit seinen Arbeitern / von Ostern an / biss auff Michaelis zu morgens frü / vmb vier hora / anfahren / Vnd nit eher schicht machen / es hab dann der Seyger zu abents sechsse geschlagen / vnd sollen inn der wochen alle tage / nicht mehr dann ein stund zu mittag / essen vnd ruhen / Am Sonabend aber / sollen sie nicht eher / den vmb zwey hora nach mittag / schicht machen / Von Michaelis aber biss auff Ostern / sollen die Mühlsteiger vnd Arbeiter / früe vmb sechs hora vor mittag / anfahren / vnd vmb sechs hora nach mittag / widerumb schicht machen / vnd zu mittag auch eine stundt / essen vnd ruhen.

Mit der Mühlsteiger lohn / sol es furthín wie bissher gehalten werdenn / Es sollenn auch die lohne keins wegs erhöhet werden / vnd sol keyn Gewerck dem andern seinen Steyger / oder Mühlarbeyter abhendig machen / vnd auch kein höher Lohn geben / dan er zuuor gehabt / Es sol auch kein Mühlherr oder Steiger / keynen Mühlarbeiter nicht anlegen / noch fördern / er habe dann zuuorn / eynen redlichen abschiedt von seinem vorigen herrn / genohmen / bey straff des Bergkmeisters.

So ein Mühlsteyger ein ledige Schicht / vor der Mühlen oder  
Düeten fahren würde (welchs er denn mit den Mühlarbeitern / so  
offt es den Mühlherrn von nöten / zuthun vorpflicht vnd schuldig  
ist) Sol man ihm nicht mehr / dann vier Klain groschen daruon zu  
lohn geben / Vnd einem Arbeiter / der Funffzehen weis groschen  
die wochen vber zu lohn hat / von einer ledigen schicht / auch vier  
Klain groschen / Mit den andern Arbeitern aber / sol es mit den  
ledigen schichten zuuorlohnen / nach gelegenheit eines ieden woch=  
enlohns / auch nach anzeigen des Steyggers / bey seinen pflichten  
vnd verwilligung des Mühlherrn / gehalten werden.

Einem Arbeiter / der vnter den Künsten arbeit / vnnnd des wassers  
auswartet / sol man achtzehen weis groschen zu lohn geben / Vñ  
von einer ledigen schicht / fünff Klain groschen / Den andern mühl=  
arbeitern / sol ihr lohn nach eines ieden gelegenheit / was eyner vor=  
dienē mag / durch des Mühlsteygers bey seinen Eydspflichten anzey=  
gung / vnd mit bewilligung des Mühlherrn / vnd desselben Factors  
gemacht vñ gegeben werden / doch dem sterckisten nicht vber funff=  
zehen weis groschen.

Was die Frawen vnd Magde belangt / sol Keyner mehr / dan  
neun weis groschen / die woch zu lohn gegeben werden.

Es sol auch kein Dienstmagd / oder eyne die aus dem dienst  
gegangen wer / für der Mühlen arbeiten / oder gefördert werden /  
Wo sie aber ein Gewerck / oder Mühlsteyger wissentlich fördern  
würde / der sol von dem Bergkmeister gestrafft werden.

Einer Frawen oder Magd / so rost auff tregt / sol ein tagt drey  
Klain groschen zu lohn gegeben werden.

Mühlsteyger / Arbeiter / Frawen oder Magd / sol Kains we=  
der holtz / plahē / vnser / eysen / oder sonst gar nichts wie das namen  
mag haben / an wissen des Mühlherrn vñ Mühlsteygers / von der  
Mühlen hinwegt tragen.

Dergleichen sol auch der Mühlsteyger / gar kein holtz / wel=  
ches der Mühlen zustendig / an wissen vnnnd willen des Mühl=  
herrn vorkbrennen / Würde aber iemandes dieses vbertreten / der  
sol schwehrlichen von vnserm Bergkmeister gestrafft werden.

Nachdem sich auch des wassers halben / zu sommer zeitten /  
für den obern Mühlen vnd Themmen / von Schönfeldt herab /  
des morgens lang / bis es herab für die vntern mühlen kompt /  
verzeucht vnd verbelt / derhalben die Arbeiter / auff das wasser  
warten / vnd die zeit verseumen müssen. Zuehlen wir / hierauff  
ernstlich /

ernstlich / das alle die Arbeiter für denselbigen Mühlen / die zeit vnd stunden / so sie am tag auff's wasser versaumen / nachmals so das wasser herab kompt / erfüllen / vnd verarbeiten sollen / vnd nicht ehe von der arbeit gehen / sie haben dann die versaumpten stunden vnd zeit / mit eingefahren / Vnd dasich die Arbeiter hierinnen vngesam vnd widersetzig erzeigen / sol sie vnser Bergkmeister / einen ieden vmb's wochenlohn straffen.

Würde auch ein Arbeiter für der Mül / an des Mülmeisters oder seiner Gewercken erlaubnus / zu denen er sich die woche / oder auff ein zeit versprochen hette / zu rechter zeit vnd stunde / nicht anfahren / vnd doch keine redliche vrsachen seiner vorhinderung / dadurch er die Gewercken mit der arbeit verseumt / anzeigen / vnd das also gefehrlicher weise thun / der sol durch vnseru Bergkmeister darumb gestrafft werden.

Auch sol kein Arbeiter für der Mühle / wann das wasser ganghafftig / vnd die Gewercken zu puchen haben / seines gefallens abzukeren / macht haben / sondern der Gewercken arbeit / die zeit so wasser verhanden / abwarten / bey straff vnser's Bergkmeisters.

Vnd dieweil auch des wassers halben / so auff die Puchwerck geht / den Gewercken kein schade / oder vorhinderung zugefüget mag werden / vnd die Gewercken der vrsachen / einen Geschwornen wassertheiler haben / so sol derselbig / zu dem theilen des wassers / auff beyde gründe / einen Lydt / wie hernach am ende der Ordnung volget / thun.



## Der Dreizehendt Artickel.

Von den Schmelzern / vom  
Schmelzen / vnd von  
ihrem lohn.:



Alle Schmelzter / so auff diesem vnserm bergk-  
werck / sich zum Schmelzzen brauchen wol-  
len lassen / sollen eynen leiblichen Eydt thun /  
das sie Uns / vnnd den Gewercken / inn dem  
schmelzzen / trewlichen / vnd an allen scha-  
den / fürstehen wollen.

In den Wütten / sollen die Ofen / Herdt /  
Gebles / Formen / Essen oder Blocken / wie es alles mag nah-  
men haben / also / vnd mit allem vleis zugericht sein / auff das den  
Gewercken / so darinn schmelzzen / derhalben kein schad oder  
nachteil erfolge.

Vnd sollen alsdann die Schmelzter / mit allem vleis auffsehen  
das durch sie / vnd andere Wüttenarbeiter trewlichen vnd ane geferd  
gehandelt werde / Vnd wo sie inn der Wütten / an oberzelten strück-  
en / gebeuden vnd anderm / mangel spüren / daraus den Gewerckē  
schaden komen mag / das sollen sie Unsern Amptleuten / bey iren  
pflichten anzeigen / die sollen förder mit den Wüttenherrn schaffen  
vnd gebieten / das es gewandelt werde.

Wann die Gewercken Zinsteyn inn die Wütten bringen / so sol  
der Schmelzter / ehe er den schmelzt / mit vleis beschen / ob er rain  
vnd zum schmelzzen tüglich / gemacht sey / Vnd so er befindet das  
der Zinsteyn nicht rain genug / so sol er bey seinen pflichten / solchs  
erstlich dem Bergkmeister vnd Geschwornen / die in den besichtigen  
sollen / volgentz dem Mühlmeister / Vorstchern / oder den Ge-  
wercken selbst anzeigen / vnd denselbigen stein nicht eher schmelzzen  
er sey dann gebrant / vnd souiel immer müglichen zuthun / rain vn̄  
rechtschaffen gemacht / damit vnserm Bergkwerck / aus nachles-  
sigkeit / dergleichen den Gewercken / nicht zuschaden vnd nachteyl  
gehandelt werde.


Die Schmelzter so teyl an Wütten haben / sollen sich erbar /  
anfrichtig / vnnd vnuordechtig im schmelzzen verhalten /  
Würde aber einer oder mehr / begriffen / die auff diesen fall / vmb  
ihres eygenen nutz willen / gefehrlichen handelten / die sollen vnser  
ernstlichen straff vnd vngened entpfinden.

Die Schmelzter

Die Schmelzer / sollen auch der Gewercken nutz vnd fromen /  
mit den feuern vnd öfen / bey ihren Eyden fürdern / die Kolen in den  
Lütten schwemen / vnd mit vleis auff die öfen bereiten / vnd des  
feuers / so der steyn dar gesetzt wurde / also warten / das derselbig  
inn keinem weg vber sich / ihrem eygen nutz nach / aussieben mü-  
ge / Inn massen / wie bisanher / zuschaden geschmelzt worden ist.

Vnd do es durch vnser Ampellent / von den Schmelzern vber-  
gangen / befunden / sollen sie es / wie gebürlichen mit ernst straffen.

Ferner sollen die Schmelzer / niemands / sie sein wer sie wollen /  
es sey das Zin ihr eygen / oder nicht / kein Zin auszuglessen / oder  
hindan zuscheyden / nicht gestatten / noch verhängen / Auch die  
Pure / vleissig einrencken / vnd nicht das Pretz / vnd auff kericht /  
gestatten hinweg zutragen / wo es aber geschicht / so sol der  
Schmelzmeister / vnd der das Zin ausgegossen hat / schwerlich-  
en darumb gestraffe werden.



Don dar

## Von der Schmelzter Lohn.

**S**tillich sol man einem Schmelzter / von einem ofen / tag vnnnd nacht zu lohn geben xiiij. w. gr. Würde er aber einen tag oder nacht weniger schmelzen / so sol es dem Schmelzter abgehen / Würde aber der Schmelzter zwo stundt zuuor schicht machen / vnd nicht zu schmelzen haben / so sol ihm das lohn für vol gegeben werden. Dergleichen würde der Schmelzter zwo stunden / tenger schmelzen / so sol man ihme auch nichts hinach zu geben schuldig sein.

So ein Gewerck Affer Schlacken zuschmelzen hat / sol er dem Schmelzter tag vnd nacht ein gülden von einem ofen geben.

Lette ein Schlackenkauffer / der kein eigen Dütten hat / schlacken zutreiben / der sol einen schmelzter tag vnd nacht ein gülden geben / Vnd sich mit den Düttenherrn / vmb die Düttenkost vertragen.

Welcher Gewerck kein eygen Dütten hat / vnd bey einem andern schmelzet / der sol dem Düttenherrn von einem Zentner Zin / xvij. Klein gr. für Düttenzins / Düttenkost / Düttenzeug / vnd zu schmelzen geben.

So offte ein Schmelzter einen newen ofen macht / sol man im einen gülden dauon geben.

Item von einem fürherdt zusencken / xij. Klein gr.

Item von einer nebenwant einzuziehen vi. Klein gr.

Item von einem Solstain zumachen / xvi. Klein gr.

Item von einem Fuder Klein wendt zumachen / xij. Klein gr.

Item von einem Fuder neben wenden xij. Klein gr.

Der xiiij



# Der Viersehendt Artickel.

## Vom Flößsmeister / vnd vom Zinflößen.



In ieder Flößsmeister / so zu aller zeit besteller / vnd  
angenohmen wirdt / sol mit einem Eidt / wie her-  
nach volget / verbunden werden / das er den Gewer-  
cken threulichen fürstehen / vnd mit allem vleiss /  
das Zin zu ihrem besten flößen wolle / Vñ sollen sich  
die Flößsmeister zu Schlackenwalden / Schönfeldt /  
vñ Lauterbach / alle wege mit gutem tüglichen holtz  
geschickt machen / Damit den Gewercken nicht zuschaden oder  
nachteil / geflößt mag werden.



# Der Funffsehent Artickel.

## Von einbringung des Zehenden.



Alslichen sol der Flößsmeister / wie viel an ieder Zin  
inn der Flößs hat / vnd sich am gewicht findet / mit  
einem ieden ein ausgeschnitten Kerpholtz machen /  
vnd daran schneyden / wie viel ein ieder Zentner vñnd  
Pfundt Zins / inn der Flößs hat / des ein Kerpholtz  
bey sich behalten / vnd das ander dem geben / des  
das Zin ist / Als dann sol der / des das Zin ist / mit seinem Kerph-  
holtz / zu dem Gegenschreiber gehen / vñnd ihm dasselbig Kerpholtz  
vberantworten / Da sol als dann der Gegenschreiber / des namen  
des / das Kerpholtz ist / auff's Kerpholtz schreiben / vnd inn das Re-  
gister verzeichnen / wie viel des Zins auff's Kerpholtz angeschnitten  
ist / vnd sol als dann der Gegenschreiber / demselbigen ein zettel ge-  
ben / an den Schichtmeister / der das wassergelt einnimbt / vñnd  
an den Zehender / wie viel ihm / dann derselbige Zin angesagt hat /

C das

Das wassergelt darvon entrichten / vom Schichtmeister auch ein  
 bekentnus zettel nemen / Alsdann sol derselbig / des das zin ist / für-  
 ber mit beyden zetteln zum Zehender gehen / vnd von stundan / dem  
 Zehender die zetteln vberantworten / vnd so nun derselbig / das Zin  
 aus der flösz ledigen wil / dem Zehender den geordenten Zehenden  
 bezalen vnd vergnügen / Als dann sol der Zehender / demselbigen  
 einen zettel geben vnter seinem Petschier / vnd darein zeichnen / wie  
 viel der Gegenschreiber inn seinem zettel / dem Zehender angegeben  
 des Zins / so derselbig inn der flösz hat.

Es sollen auch die Flöszmeister / niemands Zin aus der flösz  
 geben / noch volgen lassen / er hab denn die zettel vom Zehender vn-  
 ter seinem Petschier / so sol er auch kein Zin aus der flösz volgen las-  
 sen / dann so viel er Zins auff dem zettel verzeichnet findet / vnd der  
 Flöszmeister / sol die zettel von dem Zehender nehmen / alle Son-  
 abent / mit ihren Kerphöltzern zu dem Gegenschreiber komen / vnd  
 die Kerphöltzer zusammen halten / Ob sich das anschneyden mit  
 einander vergleiche / oder nicht / Vnd wo die Flöszmeister vnd Ge-  
 genschreiber befinden / das sich die höltzer nicht vergleichen / Vnd  
 niemands darmit gefehrlich gehandelt / das sollen sie Vnserrn Bergk-  
 meister ansagen / der sol solchs von Vnsert wegen mit ernst straffen /  
 Auch sol sich bey schwerer straff keiner vnderstehn / das Zin / so nit  
 verzeichnet ist / zuuerkauffen.



<sup>16</sup>  
 Der xvi. Artickel.

Das der Zinkauff frey sein sol.

**Z**u sonderlicher fürderung des Zinbergkwercks / wol-  
 len Wir hiemit gnedigist / allen den ienigen / so dassel-  
 big bawen / zlassen / das ein ieder Gewerck / sein Zin  
 seines gefallens / vnd nach seinem nutz vnd fromen /  
 wem / wo / vñ wñ er wil / zuuerkauffen macht haben  
 sol.:

Der xvij.

17

# Der xvij. Artickel.

## Von Erbstollen.



In itzlicher Erbstollen / der sein gerechtigkeit erlangen wil / der sol sein gebürliche Erbteuffe / als zehenthalb lachter seyger gerad vom Hasen / wo aber Schecht vorhanden weren / von der Dengbanck / nieder einbringen / Vnd so er inn die Erbschecht / erschlecht / vnd sein gerin darüber bringet / sol ihm das neunde vnwegerlichen volgen / vnd sol kein Stollen den andern enterben / er kumb dann sieben lachter / oder zum wenigsten siebendhalb lachter seyger gerad / vnter einen andern Stollen ein.

Treff ein Stollen Zwitter / nach erlangter erbteuff / die sollen ihm volgen vnd bleiben / vnd der Stollen mag dieselbigen Zwitter / fünff viertel eines lachters von der wasserseyg auff / bis in die fürst / vnd ein halb lachter in die weite hawen / vnd zu sich nehmen.

Es sollen sich auch die ienigen / so Stöllen treiben / nach vnser Bergkmeisters vnd Geschwornen rath vnd anweisung halten / damit dieselbigen dem Berg zu gut / ordentlich getrieben werden / Wann sie aber darmit sich nicht / wie Bergkwercks vnd Erbstollens recht ist / halten / vnd anders befunden werden / so sollen sie / nach erkentnis vnser Bergkmeisters vnd Geschwornen gestrafft werden.

18

# Der xviii. Artickel.


## Von der Margkscheider ziehen.



Ein Margkscheyder / auff vnsern Zinberckwergen / zu Schlackenwaldt / Schönfeldt vnd Lanterbach / ziehenn würde / vnd befünde sich darnach / durch offen durchschleg oder in augenschein / Bergkmeisters vnd Geschwornen beweißlichen / das der Margkscheyder getret hette / vnd ob gleich solcher zug / durch die Gewercken oder ihre Factores / beyderseits gewilligt vnd angenommen were / So sollen doch vnser Bergkmeister vnd

E ij      Geschwornen

11  
Geschwornen / einen itzlichen / laut seiner belehnung / vnnnd wie  
ihme sein Leben zuorn / ihm / im Bergtbuch verschrieben ist /  
erhalten / vnd solcher des Margtscheyders zug / sol alsdann vn-  
trefffig sein / vnd nicht gelten.



19  
Der xix. Artickel.

Vom wochentlichen anschnidt / vnd  
das kein Handler / Schicht-  
meister sein sol.:

**G**Sollen alle Schichtmeister vñ Steyger / des Son-  
abends / vmb sieben hora frue / im Anschnidthaus  
vor vnserm Bergtmeister vnd Geschwornen erschey-  
nen / vnd ihre Rechnung / was sie die wochen vber /  
võ irer Gewercken wegen verbarwet haben / anzeigen /  
darmit den barwenden Gewercken / ihres darlegens  
halben / auch Rechnung geschehe / vnd sie derhalben alle wege /  
bericht bekumen mügen.

Vnd welcher Schichtmeister / Steyger / oder Factor / nicht  
wochentlich inn das anschneyden gehen / vnd kein redliche vrsa-  
chen des verseumnus anzeigen würde / der sol durch vnsern Bergt-  
meister / vmbß wochenlohn gestrafft werden.

Vnd

Vnd damit dem Bergwerck bester vleissiger abgewartet / vnd durch die Schichtmeister / den Gewercken statlicher zugesehen / auch Bergkleut alhier erhalten werden / So sol furt an / nicht geduldet / oder gestattet / eynichen Wandler / das er ein Schichtmeister / oder der Gewercken Factor sey.

Hiermit wollen Wir ernstlich geboten haben / das Vorsteher der Gewercken / wider an der münzt / vnslct / eyssen / seylen / nagel / vñ anderer notturfft zum Bergwerck gehörent / ober ihren gesetzten lohn / eynichen vorteyl oder genieß / mit verkauffen / oder wie das geschehen kan / viel oder wenig / suchen sol / bey entsetzung seines dienst / vnd Unsers Bergmeisters straff.



20

## Der xx. Artikel.

Von Büchsenpfenning / vnd  
wie damit gehandelt  
sol werden.:



**B** sol ein tzlicher Schichtmeister / oder Steyger / eynem jeden arbeiter / die wochen einen pfenning / an seinem lohn abziehen / vnd am Sonabend / im anschneyden / dem Bergmeister / Geschwornen / vnd Eltisten der Knapschafft / inn die Büchsen antworten / dieselbigen sollen fürder / der Knapschafft nutz vnd fromen / damit zu schaffen / vnd auch Rechnung darumb zuthun / verpflichtet sein / Vnd sol sollich Rechnung durch die Eltisten / so darzu verordent sein / durch die Knapschafft / alle Quartal / Ordentlicher weise / vor gemeyner Knapschafft / gehalten werden.

C liij      So ein

So ein Gesell / aus der Knapschafft Franck würde / so sol man ihm / nach gelegenheyt seiner Franckheit / vnd nach Bergtmeisters / Geschwornen / vnd Ltiſten der Knapschafft erkentnus aus der Büchſſen leyhen / Doch / das der Franck / souiel möglich zuthun / solchs widerumb zuerlegen / einen vorſtandt habe.

<sup>21</sup>  
Der xxi. Artickel.

So Arbeiter / in der Gruben Schaden nehmen.



digen Zechen.

Wüg es sich zu / das irgent ein Gesell / oder Arbeiter inn der Duben / oder sonsten inn der Gruben ſiel / oder Schaden nehme / Dem sollen die Gewercken / der selbigen Zechen / darauff er Schaden genohmen / vier wochen lang / alle wochen ein ort / vnnnd dem Barbierer das artzgelt / zugeben schuldig sein / Es geschehe der Schaden / auff ſündigen oder vnſündigen Zechen.



<sup>22</sup>  
Der xxii. Artickel.

Vom Quatembergelt.



Amitt vnser verordenter Bergtmeister vnd Geschwornen / alle notturfft des Berges / bester statlicher betrachten / vnd dem mit mehrern vleiss vnd lust / mügen für sein / So sol ihnen hinfuran / von einer ieden Gruben vnd Massen / die kündig ist / zu ieden Quatember / sieben groschen zu Quatembergelt gefallen / Vnd solch gelt / sol alle weg auff den nechsten Sonabent / nach dem gülden Sonntag / durch einen ieden Schichtmeister / oder Furſteher / beim Bergtmeister vnd Geschwornen / inn dem anschneyden gerechent / vnd erlegt werden.

Der xxliij.

# Der xxiii. Artickel.

## Vom Bergschmiden.:



Als die Bergschmidt betrifft / sol es mit den Schmiden vñ Eisen/wellichs sie von dem Steyger/Bewercken/oder iemands anders/empfangen / ordentlich gehalten werden / dergestalt/ das man den Schmiden / von einem Zentner Eysen/ nicht mehr dan sieben Pfundt abgang/ gestatten vñ nachlassen sol/ Auch sol man den Schmiden/ vom gezeug / vnd allen andern stücken/ so sie den Bewercken/auffm Berg vnd inn Mühlen arbeiten oder machen/ vber herkomenden gebrauch / nichts mehr geben lassen/ darauff denn Unser Bergmeister / gut achtung geben sol.

# Der xxiiii. Artickel.

## Von Straff der dieberey / so sich im Berg vnd Mühlen begibt.

**D**ennach des sielens vnd dieberey halben/so sich bis anher / im Berg vnd Mühlen sol zugetragen haben / viel klagens fürkomen / also / das an viel orten vnd Zechen / die Bewercken / an vnset / eysen / gezeug / holtz vnd dergleichen / viel verloren / vñd ihnen bey nechtiger weil entwandt / vnd abgeborget ist worden / damit aber solchs verkommen / vnd abgestellet / So ist ferner Unser ernstlicher Beuehl / wo furtan / einer oder mehr / mit dergleichen dieberey betretten / oder eines gezeug / bey einem andern befunden / der solchs vnerbarlich bekommen / oder an wissen vnd willen der gewercken / geborget oder entlehet het / es sey wenig oder viel / derselbig / bey dem es gefunden / oder so auff frischer that / darüber gefehrlichen betretten würde / sol am leib vnd leben / vermüg der reche gestrafft werden.

Vnd wie Wir auch bericht / das etzliche bey tag vnd nacht / so nicht leut verhanden / das malwerg durch einander mengen vnd scharren / oder drecken das gute malwerg von andern Zechen / auff ihre hauffen / entwenden es also aneinander dieblichen / welcher nun fort an / in solchem diebstal betretten / oder wissentlich angezeigt / vnd begriffen würde / der sol an alle genaden / nach der scherff des rechten peinlichen gestrafft werden.

Nachdem auch zuzeiten inn den Mülen / die Plaben von den Herden / beraitter vnd vnberaitter Zinstain / schauffeln / kratzen / vnd ander gezeugt mehr / verlorn wird / vnd zu mehrmalen / etzliche darmit zum teil vermarckt / vñ im verdacht sein / Beuelen wir hye mit Vnsrem Bergkmeister / Geschwornen vnd Mülmeistern / mit allem vleis darauff zusehen / vñ wo sie iemand befinden / oder glaublichen erfürn / der do beraiten Zinsteyn / oder oberzelter stück an gezeug vnd mülgeredt / verkauffen / oder inn frembden handen finden würde / denselbigen von stundan / anzunehmen / vnd nach ausfindung des diebstals / wie oben vermeldit / zustraffen.

Würden die Steyger / Dewer / Weiber oder Gesinde / vnset / oder Eisen / verkauffen / vnd die ienigen so es gekaufft / hinterkomen vnd erfahren / so sollen beyde / der verkauffer vnd kauffer / heutiglich gestrafft werden.

So auch jemand befunden / man oder frau / jungk oder alt / auslauffer oder anschlager / oder ander arbeiter / so eyntlicherley holtz / oder anders / den Gewercken zustendig / von der Duben tragen / oder nehmen würden / die sollen auch / nach gelegenheyt der sachen / durch Vnsrem Bergkmeister / mit ernst gestrafft werden.



<sup>25</sup>  
Der xxv. Artickel.

Von Wassersteyger / Wasserknechten / Beupeltreibern / Anschlagern vnd Auslauffern.

**D**ien Irthum vnd Klage / so sich des Wassersteygers /  
vnd der Wasserknecht halben zutregt / das sie ihrer  
arbeit / nicht mit vleis warten / oder zu gebürlicher  
zeit / nicht an / vnd ausfahren / sol Unser Bergk-  
meister ableinen / vnd wo er fürsetzigtlichen mutwil-  
len vormercken / mit ernst straffen.

Vnd da sich auch die Steyger / Geuppeltreiber / Anslaffer /  
Anschlager vnd ander Arbeiter / ihres beuehls / vermüg dieser  
Unser Ordnung / gemess nicht verhalten / vnd widersetzig erzey-  
gen würden / die sol Unser Bergkmeister / auch mit ernst straffen.



26

## Der xxvi. Artickel.

Das man auff den Zechen /  
nicht Bier oder Wein /  
schencken sol.:

**A**uff das sich / des schenckens halben / auff den  
Zechen / dester weniger vnrichtigkeit / vnd versamm-  
nus / der Gewercken arbeit / zutrag vnnnd ernolge /  
So wollen wir hiemit / allen Steygern vnd arbei-  
tern / Furlenten vnd andern / so in Densern vnd ör-  
tern / zum Zechen vnd Bergkwerck gehören / wo-  
nen / ernstlichen verboten haben / Bier / Wein /  
oder Medt zuschencken / Do aber Unser Bergkmeister befünde /  
das solchs verechtig vbertretten / dieselbigen sol er / wie gebürlich  
straffen.

D Der xxvij.

27

# Der xxvii. Artickel.

Das vorleyben auff das  
vnset / betreffend.



Alle Fleischhawer / so zu Schlackenwalden / Schönfeldt vnd Lauterbach wonen / sollen ihr Vnset / anderswo hin nicht verkauffen / dann zu notturfft / obberurter Vnser Zinbergkwerck / Vnd sollen den Zentner nicht theurer / dann vmb sechs gülden Reisch geben / Wo aber ein Gewerck / dem Fleischhawer auff ein zeit furleyben würde / sol er ihm den Zentner auch nicht theurer / dann vmb sechs gülden geben / Er aber / der da dem Fleischhawer heraus geliehen hat / sol in den / andern Gewercken widerumb / vmb siebenthalben gülden zugeben macht haben / vnd nicht theurer / bey vormeydung schwerer straff / so wir dert halben verordent haben.



28

# Der xxviii. Artickel.

Das Furkauffen / auff dem  
Margk / vnd sonst  
betreffend.:



Es sol sich kein Furkauffer / Furkaufferin / oder Döckin / am Sonabend auff den strassen / gassen / auff dem Margk / heimlichen oder offentlichen / fur zwey hora nach Mittag / weil das Fenlein oder der wisch stehet / ichtes furzukauffen / vnder siehen / Wo aber dieselbigen Furkauffer darwider handelten vnnd darob betretten würden / denen sol dasselbig furgetaufft / durch den Statknecht genohmen / den armen leuten ins Spital gegeben / vnd der vbertretter darzu gestrafft werden.

Der xxx.

29

# Der xxix. Artickel.

## Von entscheidung irri- ger sachen.:

**D**nsr Bergkmeister / mit sampt den zweyen zugeor-  
denten Geschwornen / sollen alle wochen zwen tag/  
als auff den Montag vnd Donerstag sitzen / vnd  
alle irrige sachen / durch Bergk oder Kerpholtzern  
für sich bescheyden / dieselbigen irrigen Partheyen /  
nach notturfft gegeneinander verhören / vnnd vreis  
haben / sie inn der güte zuuortragen.

Wo sie aber die volg / von den Partheyen gültlich nicht erlang-  
en möchten / als dann für das Bergkgericht gen Schönfeldt weis-  
sen / bey vnd neben solchen Rechten / sol Dnsr Bergkmeister sitzen  
vnd aldo durch Dnsern Bergkmeister / Richter vnd Radt / förder-  
lich Recht ergehen / vnd gesprochen werden.

Für einn jedes Bergkholtz / damit einer fürbeschleden wirdt /  
sol man Dnsern Bergkmeister / drey klein pfenning / zugeben schul-  
dig sein / Vnd do lemandes das Kerp oder Bergkholtz / damit  
er geladen / oder das Recht verachten würde / vnd nicht erschey-  
nen / derselbig sol / so offte es geschicht / vmb vier schock einfacher  
groschen / von Dnsern Bergkmeister gestrafft werden.

Wo auch irrig sachen vor Dnsern Bergkmeister vnnd Ges-  
chworne kunsien / die von einer Parthey wissentlich / oder bekent-  
lich weren / vmb solche wissentliche / vnd bekentliche sachen / sol  
Dnsr Bergkmeister / vnnd die zwen Geschwornen / entlich zu-  
entscheyden / vnnd darauff zuerkennen / macht vnnd gewalt  
haben.

Vnd da auch sachen / für Dnsern Bergkmeister / vnnd Ges-  
schwornen / angetragen würden / die nach gelegenheyt der notturfft  
Keynes vorzugs / bis auff das nechste Bergkrecht erleyden möcha-  
ten / so sol den Partheyen auff ihr begern / fürderlichs vnd vnuorzü-  
glichs Rechtens gestattet / vnd durch Dnsern Bergkmeister ein Be-  
richtstagt ernent werden.

30. 105  
Der xxx. Artikel.

Von des Bergkmeisters gewalt /  
vnd welcher gestalt er zustraffen  
vnd zu büßen hat.



Es das tenige / so außserhalb des geordenten  
Stadtrechtens sich begibt / so das Bergk-  
werck / oder was dem anhengig / anrürtet /  
das sol durch den itzigen / vnd künfftigen vn-  
sern Bergkmeister / gerechtfertigt / gestrafft /  
vnd gebüßet werden (ausgeschlossen die fecht  
inn peinlichen sachen) welche wir vns / inn  
alle wege aus Obrigkeit zu rechtfertigen vnd  
zustraffen / vorbehalten.

Alle sachen / so sich auff dem Bergkwerck / auff der Dub / vnd  
der Duben zugehörig / an / vnd auff den wegen / so sie zum Bergk-  
werck / oder darvon gehen / oder reypen / Item inn Zechen / auff  
den Wallen / vnd außserhalbe denen / als inn Mühlen / Puchwer-  
cken vnd dergleichen örtern / dem Bergkwerck zustendig / sich zu  
tragen / sie geschehen mit vbertrettung der verböt / oder sonst durch  
freuentlich thetlich beginnen / oder mit schenden vnd schmeuworten /  
Solchs alles / sol durch vnsern Bergkmeister vnd seine zugeordnete  
Geschwornen / nach der billigkeit gebüßet / vnd gestrafft werden.

Vnd die Geschwornen / sollen alle wochen dem Bergkmeister  
solche buß felle / verzeichent geben / oder mündelichen / wo sie die  
mit grunde erfahren / anzeigen / darüber sol sie auch der Bergk-  
meister / schützen vnd handhaben.

Wie aber solche eingebrachte Buessen angewendt / vnd durch  
vnsern Bergkmeister darmit gehandelt sol werden / das sol itzt vnd  
künfftiger zeit / zu vnserm wolgefallen stehen.

Würden

Wurden sich obberurter gestalt / auff dem Berge vnd sonsten  
irrung zutragen / es were durch welcherley weis oder weg es wolt /  
das der Bergkmeister / zu befestigung der misshandler / der Berich  
oder Berichtsdiener / der Stadt Schlackenwalden / Schönfeldt zc.  
bedürffig sein würde / die sollen auff anruffen des Bergkmeisters /  
angesichts vnd vnwegerlich / durch den Burgermeister vnd Richter  
darzu thun / damit dieselbigen zu gefengtnus / bracht mügen  
werden.

Wo aber auch der Radt vnd Bericht / ehe in erfahrung künien /  
des / so vbelts geschehen / ehe es an den Bergkmeister gericht / so  
sollen die Berichte / zuerhaltung friedens vnd Rechts (vngeach-  
tet / das es auff dem Bergkwerck / vnd in des Bergkmeisters ampt  
gehörig) die vbeltheter oder vbertretter / antasten / vnd zu gefeng-  
tnis bringen / Aber gleichwol / sollenn dieselbigen sachen alles  
weg / mit verbürgung / gelt straffen / oder rechtfertigung / durch  
vnsern verordenten Bergkmeister / abgetragen / vnnd entschieden  
werden.

Was sich auch ferner / in vnser Bergkmeisters ampt gezeucht  
mit künner / flag / gebot / vnd verbot / daraus fürbeschiedt  
erfolgen / vnd von nöten sein / darinnen sollen sich alle die ienigen /  
so sich alhie enthalten / es sey Bürgermeister / Ratspersonen / die  
vom Adel / der Perschaft factor / Vorwesser der Mühlen vnnd  
Berge / wo / vnnd wann sie durch den Bergkmeister / mit einem  
Bergkholz fürbeschieden werden / gehorsamlich erscheynen /  
vnd sich angeben.

*Wab off  
pungren  
Bumben  
mit ein  
folly*

Hierwiderumb sol der Berckmeister / was sein person / behau-  
sung / vnnd alles anders / so in bürgerlichen vnnd gerichtlichen  
sachen / dem Stadtrechten vnterworffen / vnnd zugehörig / auff  
förderung des Burgermeisters vñ Rads / aufferhalb seiner ampts-  
sachen / sich auch gebürlichen verhalten.


D iij Dnd dd



Vnd do auch der Bergkmeister inn fürfallenden sachen / zu  
förderung vnd nutz des Bergkwercks / Bergkvorstendig Radsper=  
sonen / die zu den sachen dienstlich / etzliche zu ihm erfordern wür=  
de / die sollen sich darzu auff erfordern des Bergkmeisters / ge=  
horsamlich erzeygen vnd brauchen lassen / Es sol der Bergkmei=  
ster hierinnen / so fern es on nachteyl des Bergkwercks vmbgangen  
kan werden / dieselbigen Radspersonen / auff die Gerichts vnnnd  
Radtstag / zufördern / verschöner Do aber ie souiel daran gelegen /  
so sollen die Gerichts / vnd Radsbendel / bis auff einen andern  
tag / zu handeln / erlengt vnd auffgeschoben werden / vnd sich  
also dem Bergkwerck zu gutem / auff erfordern des Bergkmei=  
sters one weigerung / gehorsamlich verhalten.

Vnd da sich herwiderumb auch zutrüge / das der Bürger=  
meister vnd Radt / des Bergkmeisters vnd Geschwornen / inn sei=  
nem Ampt / oder der Obrigkeit sachen bedörfft / vnd zu ihm er=  
fordern thete / sol er auch gutwillig / zu inenn gehen / einander  
helffen vnd raten / damit der Obrigkeit / des Bergkwercks /  
vnd gemeyner nutz / gefördert werde.

Der xxxi.



31

# Der xxxi. Artickel.

Welcher gestalt der Burgermeister /  
Radt vnd Bericht / zustraffen /  
büßen / vnd Rechts zuuor-  
belffen haben.:



Als aussershalb Bergtsachen / als Bürgerliche schul-  
den / die nicht von dem Bergtwerck / herfliessen /  
haus / hoff / sarendehabe / ecker / wiesen / gerten /  
wasserfürung inn der Stadt / vnnnd inn die Heuser /  
( doch vnnorbrüchlich dem Bergtwerck ) Item  
schmehung / hader / so inn der Stadt / vnd Stadt-  
reynen ( aussershalb des Bergtwercks geschehen )  
vnd vmb alle andre sachen / dem Stadtgericht zustendig / als an  
den enden / da es nicht inn das Bergtmeisters ampt gehörig / sich  
zutragen / Das alles sol dem Radt vnd Bericht zuuerhörn / zube-  
handeln / zustraffen / vnd zurecht fertigen / gehören / vnd zustehen.

Was aber beschwerliche felle antrifft / da einer leib / gut / vnd  
ehr vorwirckt / vnd die sachen peinlichen sein / das wollen wir vns  
aus zugehörender Obrigkeit / zustraffen fürbehalten haben.

Trüg sich zu / das einer oder mehr / auff dem Bergtwerck in  
des Bergtmeisters ampt / in sachen mit worten zu vnfrieden wür-  
den / vnd nehmen doch des orts dazumal nichts mit der that für /  
Aber nachfolgent in der Stadt / in heusern / gassen oder in Stadtrey-  
nen / vnd do es dem Stadtgericht vnterworffen / weiter ancinat-  
der / mit schmehworten oder schlegeln / angreifen / der / oder die-  
selbigen / sollen inn des Radts vnd der Bericht straff sein / on ein-  
trag des Bergtmeisters.

Als sich auch zu mehrmalen begibt / das den Bürgern auff  
ihren Erbgütern / als ecker vnd wiesen / von den Furlenten / so  
holtz auff das Bergtwerck vnd Zwitter / für die Mühlen füren /  
schaden zugefügt / die oder dieselbigen / dem der grundt oder poden  
zustebet / der mag vmb den zugefügten schaden / zupfenden fueg  
vnd macht haben.

Thut

15  
Thut der ienige so gepfendet/dem/des der grundt vñ bodem ist/  
zimlichen fug vnd abtrag / so hat es seinen weg / k̄önte es aber  
gütlich nicht entschieden werden / so solle es durch Burgermeister /  
Richter vnd Radt erkant / was dem Kleger für den schaden / sol  
gegeben werden / do er aber den / so ihm den schaden zugefügt / nit  
betretten k̄önt / ihne zu pfenden / vnd k̄önte doch beweisslich bey  
bringen / durch wen solchs geschehen / der mag für den Richter  
Klaghaftig werden / k̄önt sie der Richter inn der gute entscheiden /  
wol gut / wo aber nicht / so sollen zwen des Rads / zu besichti-  
gung des schadens / dazu gegeben werden / vnd was also erkant/  
dar bey sol es bleiben / Vnd solle der Bergkmeister / ob wol das  
holtz vnd Zwitter / zu notturfft des Bergkwercks geführt / nichts  
darein zureden haben.

Vnd nachdem sich auch der schulden halben / vom Bergk-  
werck herrreichent / do die Berck vnd andere Arbeiter / den leuten  
schuldig sein / vielfeltige irrung begeben / Setzen vnd ordenen Wir  
so sich nu fortan zutragen würde / das irgent ein Bergkmühlarbei-  
ter / Schmelzter / vnd die / so inn Nütten arbeiten / den Wirten /  
oder andern schuldig sein / an denen man sich sunsten der bezalung  
nicht anders / dann an ihren wochenlohn erholen mag / Vnd so  
man den Bergkmeister derhalben / vmb kumer ansüchen thut / so  
sol der Bergkmeister / zu derselbigen lohn zu kumern gestatten /  
vnd gebürliche hülffe widerfahren lassen.

Würde sich aber der Kleger / inn des Bergkmeisters Ampt / an  
denselbigen Bergkgesellen nicht erholen k̄önnen / noch wissen / so  
mag er denselbigen / durch den Richter gefenglich einziehen / vnd  
verhefften lassen / bisz er den Kleger gestalt macht.

Da sich auch bey den ienigen / so Deuser neben den andern  
Mühlen / Schmelzhütten / vnd auff dem Bergkwerck haben /  
zutrug / das dieselbigen schuldt machten / oder sich mit hader /  
schmebung / schleglen / oder andern freuentlichen thatten / ver-  
wirckten / ober die / sol der Bergkmeister / es sey zu behausung /  
Pferden / Viech / oder andern vorrath / so darinnen begriffen /  
zuoorkumern / zuorhelffen / vnd zu straffen haben / dazu ihn  
dann der Richter / vnd das gericht / oder wenn der Bergkmeister  
vmb volg vnd hülff anruffen wirdet / dieselbigen anzunehmen vnd  
zubefestigen / bey vermeydung schwerer straff / schuldig vnd pflich-  
tig sein.

Was

Was aber die pferdt vnd geschir / damit man Zwitter füret / vnd ander Berges notturfft / welche inn der Stadt Schlackenwalde begriffen / vnnd gefunden werden / vber dieselbigen / solle von dem Richter / auff anruffen des Klegers / Kurier gestattet vnd hülf geschehen.

Vnd als Wir aus gnaden / vnd keiner gerechtigkeit / auff dem Bergkwerck / alle straffen / buss / vnd wandel / dem Bergkmeister / desgleichen dem Radt vnnd Berichten / auch alle wandel / bussen vnd straffen / was sich inn der Stadt / vnnd derselbigen zugehörungen Stadtberaubnus / verwircklich begiebet (ausserhalb peinlicher sachen) zugestellet haben / so sollen sie doch solchs / nicht lenger geniessen vnd brauchen / dann wir ihnen auff vnser wolgefallen zulassen.



32

## Der xxxij. Artickel.

Von entscheidung irriger sachen / so sich zwischen dem Bergkmeister vnd Burgermeister / inn vorpfendung der güter / zutragen mügen. .



Niemand vmb Berg / Mühlen / oder ander güter / die dem Bergkwerck anhengig sein / schuldig ist / vnd vmb solche schulden / sein haus oder anders / das dem Stadtgericht zu Schlackenwalde oder Schönfeldt vnterworffen / vorpfenden wil / so sol der Bergmeister / solche Stadtgüter ins Bergkschuldbuch / der bemelten schulden halben / wie obstehet / verschreiben lassen / Doch das der vorpfender zuuorn / vom Stadtschreiber / vnter seinem Petschier oder handtschrift / ein zettel vnd Bekentnus bringe / das solche Stadtgüter / im Stadtbuch frey / vnd vnuorpfendt sein.

¶ Dergleichen

Dergleichen / wann ein mitbürger / seine statgüter / im Stadtbuch verpfenden wil / sol es ihme auch nicht gestattet werden / er bring dann einen zettel / vnter des Bergtschreibers Petschier oder handschrift / das seine güter / im Bergtbuch auch niemandes verpfendet sein.

Vnd es sol bey dem Bergtmeister / ein sonderlich Pfandbuch zu solchen Stadtgütern / Desgleichen bey einem Radt / auch ein sonderlich Pfand vnnnd Rumerbuch / gehalten werden / darein solche verpfendung allein geschriben / vnd zu der notturfft / desto leichter gefunden mügen werden.

Würde iemandt seine güter gefehrlicher weise / inn Bergt vnd auch inn Stadtbüchern zu Schlackenwalden / vnnnd Schönfeldt verpfenden / vnnnd solche verpfendung die an einem ort geschehen / an andern verschwiegen / vnd also betrieglich handeln / Auch wo der Stadt oder Bergtschreiber / hierinnen betrug gebrauchen / vnd andere zu solcher betrieglichen handlung / fördern / oder helfen würde / so sollen dieselbigen / die schuld vn̄rsach am betrug haben / durch vnsern Hauptman / oder Verwalter / am leib vnnnd gut gesiraftt werden.

Wo aber iemandt seine Stadtgüter zu Schlackenwalden oder Schönfeldt zc. vmb schuldt vnd gelt / das er auff Zin entlehet / verpfenden wolte ( ob er gleich solch entlehet gelt zum Bergtwerck gebraucht ) so sol er doch sein Stadtgüter derhalben / dies weil die schulden mit Stadtgütern vorgewisset / allein im Stadtbuch vorpfenden.

Wo aber sach / das er vmb solch gelt / Bergtmühlen vnnnd Zin / oder ander Bergtgüter / verschreiben oder verpfenden wolte / so sollen dieselbigen Bergtgüter / alsdann / im Bergtbuch verschrieben werden.

Vnd was also inn Stadtbüchern verschrieben wirdt / das sol durch das Stadtgericht / Burgermeister vnd Radt / was aber inn Bergtbüchern verschrieben / durch das Bergtgericht / Bergtmeister vnd Geschworne / gerechtfertigt vnd verholffen werden.

Erzig

Trüg sich zu / das zu jemandes Stadtgütern / Kurrier geschick /  
 es sey vmb Berg oder ander schulden / so sollen dieselbigen Kurrier /  
 zu Heusern / Lckern / Wiesen / vnd andern Stadtgütern / allein  
 bey dem Stadtgericht / vnd nicht bey dem Bergkmeister gesucht /  
 vnd durch den geschwornen Stadtschreiber / ordentlich nachein-  
 ander / welcher der Erste / Ander / oder Dritte / gekürrert hat /  
 beschrieben werden / Vnd inn welcher ordenung ein itzlicher gekü-  
 rert hat / also sol ihm die hülf geschehen / Doch wo jemandt  
 vmb Bergkschuld / bey dem Stadtrichter wie obsteht / gekürrert  
 hat / demselbigen sol nachuolgent zu seiner Bergkschuld / durch  
 den Bergkmeister inn solcher ordenung / wie er mit seinem Kurrier  
 einkomen ist / auch verholffen werden.

Do auch jemandes güter / im Stadt oder Bergkbuch / zuuorri  
 ehe die Kurrier geschehen / verschrieben / vnd verpfendet werden /  
 so sollen dieselbigen vorschreybungen vnd vorpfindung surgehen /  
 vnd die hülf zum ersten / vermüge der Eltern verschreibung / ge-  
 schehen / Nachmals sol den ienigen / so gekürrert haben / wie die  
 Kurrier einer nach dem andern einkomen sein / so fern sich die güter  
 erstrecken / auch verholffen werden.

Was dem Stadt vnd Bergkschreiber zuorn / vom suchen  
 oder einschreiben gebürt hat / darbey sol es nachmals bleiben /  
 Aber von dem zettel vnd bekantnus / wie obsteht / zuschreiben / sol  
 dem schreiber ein weis groschen gegeben werden / Dergleichen sol  
 dem Stadtschreiber von einem Kurrier zuuorschreiben / auch ein  
 weis groschen / dem Richter fünff groschen / vnd dem Stadtknecht  
 ein kleyner groschen gebürn / vnd gegeben werden.

¶

Volgen



# Folgen die Eyde.

**D**es Zehen  
ders Eydt.

**I**ch A. Schwere /  
der Römischen / zu Hungern vñ  
Behem 2c. Kñ. May. meinem  
Allergnedigsten Herrn / vnd an  
stat ihrer Mai. derselben Haupt-  
man oder Vorwesser / so ieder zeit  
von Ihrer May. verordent wer-  
den / getrew vnd gewertig zusein /  
meinem Zehendt Ampt / trewlich  
vnd vleissig fürzustehen / vnd das  
ich Ihrer Kñ. May. gebür vnd  
gerechtigkeyt / Dergleichen der  
Bewercken guet / was mir des ein-  
zunehmen vnd auszugeben ein-  
gebundenn ist / eygentlich ver-  
samlen / redliche vñnd genugsa-  
me Rechnung vñnd entrichtung  
daruon thuen / Nochgedachter  
Kñ. May. Bergkordnung / ve-  
stiglich handthaben / Wo ich  
die vbergangen befinde / warnen

vnd ansagen / die auch vñnorbrüchlichen selbst halten / alles nach  
meinem höchsten vermügen / in dem allen keinen nutz / oder genieß /  
dann der mir von Ihrer Kñ. May. zugelassen ist / gewarten / mich  
wider disß alles / Eynen nutz / gab / gunst / freundschaft / oder  
feindschaft bewegen lassen will / Als mir Gott helff.

Des Bergk-



# Des Bergkmeisters vnd Bergfrichters Eydt.

**S**eb A. Schwere/der Römisch  
en/ auch zu Durgern vnd Behem 2c. K. u. Mai.  
meinem Allergnedigsten Herrn / Vnd an stat  
Ihrer May. derselbigen Hauptman/ oder Vor-  
weser / so zu ieder zeit / von Ihrer May. veror-  
dent sein / getrew vnd gewertig zusein / Ihrer  
May. nutz vnd fromen zu fördern / schaden vnd  
nachteil zu wenden / Auch das Bergkmeister-  
amt (oder das Bergfrichter amt) vermüge  
der Bergkordnung / treulich vnd vleissig aus-  
zurichten / iederman die billigkeit zuhelffen / vnd  
darob zu handhaben / Vnd was mir darin auff-  
gelegt ist / selber zunerbringen / souel ich vorste-  
he / vnd mir möglich ist / Darinn nicht ansehen  
freundschaft / feindschaft / gunst oder gab /  
Auch mich keynes genes zugebrauche / dan was  
mir von Ihrer K. u. May. zugelassen wirdet /  
vnd alles ander zuthun / was einem getrewen  
Amtman vnd diener gebürt / Als mir Gott  
helff.




# Der Bergtgeschwornen Endt.

**I**ch A. Schwere/der Römisch  
en / auch zu Dungen vnd Beheim 2c. Kū. May.  
meinem Allergnedigisten Herrn / vnd an stat Irer  
May. derselbigen Hauptman / oder Vorweser /  
so ieder zeyt von ihrer May. verordnet werden /  
getrew vnd gewertig zusein / Ihrer Kū. May.  
vnd gemeynes Bergtwercks bestes zufördern /  
schaden trewlich vnnnd vleissig zuwarnen / vnnnd  
abzuwenden / Dochgedachter Kū. Ma. Orde-  
nung / vchstiglich zuhandthaben / Auch wo ich  
die vbergangen befinde / warnen vnnnd ansagen /  
die auch vnuorbrüchlich selber halten / alles nach meinem höch-  
sten vermügen / inn dem allen keynen nutz / oder genieß / denn  
der mir / durch Ihre Kū. May. Ordnung zu gelassen ist /  
gewarten / Mich von dem allen / keynen nutz / gab /  
gunst / freundschaft / oder feindschaft  
bewegen lassen will / Als  
mir Gott helff.



Der Steyger



# Der Steyger / Wülmeister / Schichtmeister oder Factor Eydt.

**I**ch A. Schwere / der Römischen  
auch zu Hungern vnd Bchem zc. Kū. May. meis  
nem Allergnedigisten Herrn / Vnd an stat Ihrer Mai.  
derselbigen Hauptman / oder Vorweser / so zu ieder  
zeit / von Ihrer May. verordent werden / getrew vnd  
gewertig zusein / Ihrer Kū. May. vnnnd gemeynes  
Bergkwercks bestes / trewlich fördern / schaden warnen / vnnnd  
abwenden / vnd meinem Ampt so mir beuolhen ist / Vnd sondera  
lich meinen Gewercken / getrewlichen fürstehen / alles / damit ich  
ihren nutz / mit Rechte steygern / vnd erzeugen mag / auffss höch-  
ste beyleiffigen / Eainerley thun oder verhängen / das meinen Ge-  
wercken zuschaden oder nachteyl raichen mag / Mich allenthalbē  
Nochgedachter Kū. May. Ordnung vnuorbrüchlich halten /  
wo ich die vbergangen befinde / warnen vnd ansagen / Eaines  
genieffs oder nutz / dann der mir inn Ihrer Kū. May. Ordnung  
zugelassen ist / in dem allen gewarten Mich wider / diss alles Eainem  
nutz / gab / gunst / freundschaftt oder feindschaftt bewegen  
lassen / Sondern wil solchs alles / nach  
meinem höchsten vermügen  
halten Trewlich vnd  
vngeserhlich / Als  
mir Gotthelff.

Der Schmelzer



# Der Schmelzer Eyd.

**I**ch A. Schwere / der Römisch-  
en / auch zu Dungen vnd Behem 2c Kü. May. /  
meinem Allergnedigisten Herrn / vnd an stat Ihrer  
May. darselbigen Hauptman / oder Vorwesser / so  
ieder zeit / von Ihrer Mai. verordent werden / getrew  
vnd gewertig zu sein / Ihrer Kü. May. vnd gemeyn-  
nes Bergwercks bestes / fördern / Vnd sonderlich meinen dienst  
mit dem Zin schmelzen / trewlichen genug thuen / zu mehrung  
Kü. May. Zehenden / vnd der Gewercken nutz / mit meiner  
arbeit / besten vleiss fürwenden / Darinn gar keyn gefahr noch  
betrug vben / oder iemandes zuthun wissentlich verhängen / Doch-  
gedachter Kü. May. Ordnung / inn allem / das mir darinn zu-  
thun / eingebunden ist / vebstiglich halten / keines nutz oder genie-  
ses / dann soniel mir zugelassen / vnd verordent ist / inn dem allen  
gewarten / Mich auch keinerley nutz / gab / gunst / freundschaft  
oder feindschaft / darvon bewegen lassen / Sonder wil dem  
allem nach meinem höchsten vermügen genug thuen /  
getrewlich vnd vngefehrlich /  
Als mir Gott helff.



Des Flöss-



# Des Flößmeisters Eyd.

**I**ch N. Schwere / das ich der Römischen / auch zu Hungern vnd Behem 2c. K. u. May. meinem Allergnedigisten Herrn 2c. trew vnd gewertig sein wil / Ihrer K. u. May. gemeynes Bergkwercks / vnd der Gewercken bestes fördern / meinen dienst mit Flößen guter stück Zin / ausgießen / wegen / vnd allen andern / meinem Flößmeister ampt zugehörendt trewlichen ausrichten / zu mehrung der K. u. May. meines Allergnedigisten Herrn / Lebenden / vnd der Gewercken nutz / mit meiner arbeit / vnd sonsten höchsten vleiss / verwenden / darin gar kein gefar vben / oder lemands zu vben wissenlich verhängen / der K. u. May. meines Allergnedigisten Herrn Ordnung / inn allem / das mir darinnen zuthun eingebunden / festiglich halten / keines nutz oder genießs / dann souiel mir zugelassen / vnd geordnet ist / in dem allen gewarten / mich auch keinerley nutz / gabe / gunst / freundschaft oder feindschaft darumb bewegē lassen / sonder wil solchs alles / nach meinem höchsten vermügen halten / Trewlich vnd an alle gefehrde / Als mir Gott helff.

## Des Wassertheylers Eyd.

**I**ch N. Schwere / das ich der Römischen / auch zu Hungern vnd Behem 2c. K. u. May. meinem Allergnedigisten Herrn 2c. trew vnd gewertig sein wil / gemeynes Bergkwercks bestes / threwlich fördern / schaden warnen / vnd abwenden / vnd meinem Ampt das wasser auff beide grundt zu theylen / gemeynen Gewercken zum besten / vermüge des vertrags so zwischen ihnen auffgericht / vnd ins Bergkbuch vorleybet / vnuerweisslich / vnd mit allem vleiss nachkuffen / vnd genüge thun / damit keinem Gewercken / eynlicherley schaden / auff irgent einen grunde / wider die billigkeit möcht erfolgen / in diesem allen keynes nutz oder genießs / dann so mir durch Bergkmeister / Geschworne / vnd gemeyn Gewercken gesetzt / vñ zugelassen ist / gewarten / sonder wil mich allent halben hierinnen vnuerrechtig / vnd auffrichtig verhalten / Als mir Gott helff.

Beschluß.